

欽定大清會典事例

欽定大清會典事例卷一千一百三十四

八旗都統

襲爵

列爵 襲次 承襲 譜牒 承襲 查覈 世次 推

恩續封

列爵。

國初定班爵之等有八。曰公。曰侯。曰伯。曰子。曰男。

曰輕車都尉。曰騎都尉。曰雲騎尉。自公至輕車

都尉。又各有三等。凡授爵自雲騎尉始。

襲次。○順治八年題准。官員現遇

恩詔。其原有襲次者。俱准世襲罔替。給予

誥命。其原無襲次官員。今

恩詔中准授騎都尉者亦給予

敕書。陣亡者承襲。病故者不准。其效力軍前所得雲騎尉。准承襲一次。○十八年題准一等子襲十四次。二等襲十三次。三等襲十二次。一等男襲十次。二等襲九次。三等襲八次。一等輕車都尉襲六次。二等襲五次。三等襲四次。騎都尉襲二次。雲騎尉襲一次。○康熙九年題准初授世爵准襲次數越十五次者。世襲罔替。給予

誥命。○乾隆十五年奏准順治八年

詔前封爵均係開創軍功。遵例世襲罔替。

詔後封爵。如原封

誥敕內。有世襲固替字樣。亦仍遵照世襲。至未載世襲固替字樣者。照一等子襲十四次之例。遞加襲次。至一等公。應承襲二十六次。將應襲次數。載於各爵之下。嗣後遇有封爵。除奉

特旨世襲固替外。其餘均按所開襲次。載入

誥敕。一等公襲二十六次。二等公襲二十五次。三等公襲二十四次。一等侯襲二十二次。二等侯襲二十一次。三等侯襲二十次。一等伯襲十八次。二等伯襲十七次。三等伯襲十六次。○二十五年

奉

旨。八旗陣亡人員無子。其所得之官。不准兄弟承襲。兄弟中有子嗣。即承繼襲職。若曾立遠族中子姪而孀婦。即願令其承襲者。照所請。○二十六年奉

旨。承襲雲騎尉等官。立官之人有二子。擬派正陪。若止一子。即將一人帶領引見。毋庸將伊姪擬陪。永著為令。

承襲。○康熙元年題准。凡世爵一人併襲。至公侯伯者。其子弟承襲時。原授之爵。各人分襲。○七年題准。凡一人兼得之世爵。不准子孫分襲。

若係一人併襲二三人所授之爵仍與二三人分襲○五十八年

諭有本身效力立官之人或因年老患病告退移與其弟兄子孫承襲其承襲之人病故即為襲次已完不往承襲雖立官之人現在亦即為襲次已完不爵甚屬可憫似此效力立官之人如本身現在情願與子孫承襲者應仍往承襲著議政大臣大學士等會同八旗都統副都統及部院衙門滿洲堂官議奏欽此遵

旨議定效力軍功立官之人所得之官給予伊子孫承

襲。雖襲次已完。若原立官之人現在。聽其給予。應襲之人承襲。若無承襲之人。即留與伊本身。給食全俸。似此等之人。令各旗查明。照例引。

見承襲。永為例。○雍正元年

諭。嗣後十八歲上朝之世職。令委員指教。俟三年後再令其自行供職。○三年奉

旨。嗣後八旗世爵分應列名之人。如遇患病緣事情由。均於譜內本名下註明。○又奉

旨。八旗承襲世爵。將原受爵人之子孫。按其名數詳列譜牒。如一譜不能盡者。即繕二譜具奏。○又議。世

爵官犯十惡及軍機獲罪。其子孫雖遇

赦亦不在襲。其因命案罪擬斬絞及因枉法婪贓侵盜錢糧以財行求等案革職治以枷責者。其子孫亦不在襲。如遇

恩詔所獲罪與應免之條相符者。其子孫照常開列。此外因公私罪治以枷責者。准其子孫承襲。若獲罪不在子孫承襲之本人。邀

恩復加錄用者。其子孫照常開列。○十一年奉

旨。譜牒所載正陪人員內。有現在軍前者。均於本名下註明。○乾隆三年議准承襲世爵。以得爵人之子孫



承襲。無子孫。以親兄弟之子孫承襲。無親兄弟  
子孫。以親伯叔之子孫承襲。無親伯叔子孫。按  
其譜牒。擇宗支相近者承襲。其現在所襲世爵。  
係受爵人之長房子孫承襲。其員缺。即以原官  
之子孫擬正。別房之子孫擬陪。原官或無嗣。或  
犯罪。其子孫不應承襲。仍於長房之別支內揀  
選擬正。以別房之子孫擬陪。係別房之子孫承  
襲。其員缺。以原官之子孫擬正。長房之子孫擬  
陪。原官或無嗣。或犯罪。其子孫不應承襲。即於  
長房之子孫內揀選擬正。其餘族人擬陪列名。

原受爵人有子孫未獲承襲經兄弟之子孫承襲者其員缺以原受爵人之子孫承襲兄弟之子孫止於譜內註明承襲次數不准與正陪之選原受爵人無嗣有親兄弟之子孫未獲承襲經伯叔之子孫承襲者其員缺以親兄弟之子孫承襲伯叔之子孫止於譜內註明承襲次數不准與正陪之選原受爵人無嗣繼族人為嗣者族人之子孫得與選正陪若繼異姓為嗣者不准原受爵人之長房子孫願讓於次房承襲者聽一人有兩世爵經長房次房之子孫分襲

而原受爵人尚有三房子孫其員缺以原官之子孫擬正。未經襲爵之子孫擬陪。兩世爵係一支承襲者其員缺以未經承襲之支選擬正陪。以上分得擬正或擬陪或列名均於譜牒本名下詳註緣由引

見時將譜進呈恭候

欽定。○六年奏准應襲爵人本身殘廢別無應襲之人仍奏請給餉養贍俟其後有子嗣再行請襲。○十一年

諭八旗辦理世襲官有將外省駐防應擬正陪列名之

人全行咨取者。或有將應列名之人不行咨取者。辨  
理未昭畫一。再拉林地方駐防人等。係新移駐防屯  
田。以資生計。若將伊等咨取。不得襲官而還。有妨生  
計。此等外省駐防之人。長途往返。徒勞跋涉。嗣後各  
省駐防人內。遇有京城應行承襲世職缺出。於擬正  
陪有分者。著咨取來京。其有列名之分者。著該旗行  
文咨問。其情願來京者。咨取來京。不願者聽。○二十  
八年奏准。各省承襲世職等官。十六歲以下。不  
必咨送來京。及十八歲當差時。補行帶領引  
見。○三十年議准。凡世爵係立官人長房子孫承襲

者。員缺以出缺之子孫擬正。別房擬陪列名。出缺之人。或無嗣。或罪廢。子孫例不應襲。仍於長房別支內擬正。別房子孫承襲者。員缺以出缺之子孫擬正。長房擬陪。其餘列名。出缺之人。或無嗣。或罪廢。子孫例不應襲。以襲過此職之長房擬正。若未經襲過。以曾襲之別房擬正。若俱未襲過。仍以出缺支內通行揀選擬正。立官人無嗣。親兄弟伯叔子孫內僅存一房者。照親子孫承襲例辦理。若有二三房。以出缺之子孫擬正。餘擬陪列名。親兄弟伯叔有子孫。而被親伯

叔祖子孫承襲者。員缺仍以兄弟伯叔之子孫擬正。襲過之子孫擬陪列名。親兄弟伯叔之子孫無嗣。係親伯叔祖之子孫承襲者。亦將出缺之子孫擬正。若一房承襲數職者。員缺以未襲之房選擬正陪。出缺之房列名。○三十一年奉旨。京師承襲世職內。有僅進綠頭牌而無引見之人者。仍歸入年終襲官數目內進呈。○三十五年奉

旨。由兵部議奏雲南軍營未出兵人員。將本身所得世職毋庸一體承襲。但其中有從前本身效力所得。及祖父功勳應襲者。若概不在襲。實非矜恤戎行之至

意。此等人員。其自立之官。即照所奏停止。如伊等祖父所立之官。將族內應襲之人。查明承襲。○四十一年。奏准。外省應襲人員。十五歲以下。毋庸咨送。來京。若年已至十六歲者。來京帶領引

見。○四十七年奉

旨。隔旗一姓之子孫。減襲世職官員。已過三代者。均著世襲罔替。永為例。○五十年奉

旨。世襲騎都尉等官。如無嗣。以外省有分之人承襲者。不必來京辦事。留於本省。以應補之缺。錄用。○五十

三年奉

旨。各省年幼襲官者。仍照舊例。至十六歲時來京補行引見。又

諭承襲世職人員。因年老患病。及因公註誤革退。若係伊一支連襲三四代者。仍令其子承襲。○五十七年覆准軍營亡故人員。議給世職。俱於撤兵後彙總議奏。旗員承襲亦照例於年終奏請。○嘉慶十八年奉

旨。每年年終八旗襲職。左右翼分為二日引見。人多者改分四日辦理。嗣後鑲黃正黃於十二月十四日。正白正紅於十五日。鑲白鑲紅於十六日。正藍鑲藍於



十七日帶領引見仍照例前期進譜著為例。○十九年

諭嗣後八旗繼嗣襲職者務將其本生祖父履歷查明具奏庶杜撰報冒入旗籍之弊。○二十三年奉

旨嗣後各省將軍大臣等咨送世襲官內如有到違者除著該旗即將襲官人員駁回入於次年辦理外仍將因何遲延之處查明奏。○道光二年

諭印務參領金大德係勒令休致之員與緣事革職者不同所有該員二等輕車都尉世職著令伊子承襲

○三年

諭。嗣後有世職旗人如過繼本族為嗣。方准其承襲世職。其以另戶異姓親屬之人過繼為嗣者。不准承襲。

○六年

諭。舒明阿所襲公爵。係由伊始祖佟養正高祖圖賴屢著戰功。累加至三等子。晉封為一等公。與並無軍功。僅由推恩加封承恩公爵不同。此次舒明阿所出公爵。著仍遵康熙年間

諭旨。作為一等公。世襲罔替。○十二年奉

旨。嗣後承襲一二三等輕車都尉及騎都尉世職。比照雲騎尉恩騎尉之例。准以文武生員兼襲。應試支食

世職俸銀。該部仍於帶領引見時。將應否兼襲之處。聲明請旨。其捐貢捐監人員。概不准其兼襲。亦不准本非文武生員。將輕車都尉騎都尉世職。改作生員應試。○十八年奉

旨。嗣後遇有把總外委兼雲騎尉者。著照七品以下文職兼襲之例。具題請旨。○十九年

諭。容照前因案革職。並將所襲子爵斥革。其所遺之爵。著該衙門照例辦理。茲據該旗奏稱查明那彥成之子容安。曾因貽誤軍機。擬死罪。容恩亦因私改例。文。獲各褫職。該兩支名下均不宜承襲。應將襲爵數

書繳銷等語。那彥成在嘉慶年間滑縣軍營。著有勞績。仰蒙

皇考仁宗睿皇帝賞給子爵。俾伊世襲。乃伊子容安等所獲之各均屬難違。本應照例停止。以昭懲戒。姑念那彥成從前懋著軍功。渥承

寵眷。容照雖已獲咎。尚無賊私劣蹟。所遺子爵。著該旗於年終將容照之子二人帶領引見候旨。○二十四年奉

旨。已革二等子爵王基帶賠庫項。限滿未繳。送部監追。其所出二等子爵。著暫停揀選承襲。○咸豐二年奏

准陣亡廣州八旗副都統烏蘭泰無嗣其輕車  
都尉世職在於本族近支內擇繼承襲。○四年  
奏定承襲祖父世爵人員。又因軍功賞有世爵。  
准合併一爵承襲如原襲二等子。復議給騎都  
尉者。准併為一等子。兼一雲騎尉。嗣後有呈請  
分襲者。應襲之子姪弟兄承襲時。照原係幾人  
所立之爵。仍與幾人分襲。如二人所立。即分與  
二人承襲。○九年

諭。正藍旗漢軍奏例。應承襲世職之員。傷疾未痊。查明  
請旨一摺。原任貴州提督佟攀梅之長子。同知銜候

選通判占鼇例應承襲騎都尉加一雲騎尉世職據該旗奏稱占鼇因落馬跌傷左膀無力開弓可令該故員次子占螭承襲等語所有佟攀梅應得世職仍著占鼇承襲並著該旗於帶領引見時聲明毋庸開弓。○同治二年

諭。正白旗滿洲奏世爵病故無嗣應否仍准承襲開具家譜請旨一摺。據稱該旗所管三等子爵鄂素病故無嗣。經該旗咨查吏部。當據覆稱應以那彥成長子容安之子孫承襲。惟容安前係獲咎之員。鄂素所出子爵應否停襲。抑或照吏部覆文。將容安之子孫帶

領引見等語。鄂素之曾祖那彥成。前於嘉慶年間。因親督兵勇。攻復滑縣城池。勳勞懋著。奉

旨賞給三等子爵。准予世襲。現在鄂素病故。襲次未完。所有此項三等子爵。著仍准其承襲。即由該旗將容安之子孫揀選帶領引見。○五年奏准。嗣後各省咨送京旗世職引

見人員。務於十一月以內赴旗投文。其齎送

奏襲差弁。亦令於十一月十五日以前赴旗投文辦理。逾限者。遵照嘉慶二十三年

諭旨。入於次年承襲。○十年

諭。鑲黃旗滿洲奏承襲恩騎尉世職請旨辦理一摺。據稱該旗世襲恩騎尉一缺。現應揀選富綿擬正。該員現任貴州知州。可否仿照各省駐防調取來京承襲等語。富統所出恩騎尉一缺。即著該旗奏請承襲富綿著毋庸調取。嗣後外省官員。遇有恩騎尉及雲騎尉世職應行承襲之處。即照此次諭旨奏請承襲。俟該員因公來京。或例應引見時。再由該旗補行帶領引見。以示體恤。○十一年奏准。凡世襲罔替各爵職出缺。無論親子。但准承襲。即准世襲罔替。其有次數之世職出缺。如無親子孫。襲次完時。毋庸



給予恩騎尉。○光緒七年奏准參贊大臣全家  
殉難議給騎都尉又一雲騎尉。親子不知下落  
令過繼子承襲。如親子回旗適值過繼子出缺  
仍令親子承襲。○十年奏准勒令休致部員兼  
有二等輕車都尉世職仍留本身承襲。○十一  
年覆准世職出缺十代祖以下近支無可承襲  
之人妻女現存如遠房爭繼准由妻女作主請  
以遠支某人過繼仍開列名單請

旨。

推

恩續封。○乾隆十五年

諭。我國家軍前立功。致身效力之人。給以世爵。乃崇德報功之大典。此等世爵內。有世襲罔替者。有襲有次數者。並不畫一。究其原由。從前初建大業之時。人人奮勇立功。迨大業既建。尚有未經平定之處。復加平定。是以立爵之人甚衆。其所授之爵。不便均作為世襲罔替。故順治八年

恩詔以前所授之爵。准其世襲罔替。

恩詔以後所授之爵。作為襲有次數。即陣亡授爵亦如之。第按陣亡之人。皆係捐軀盡節。所遇之時。雖有先

後。而為國捐軀。並未有異。此等臣僕。朕實軫念。况旗人藉俸餉度日。若

恩詔以後所授之爵。不分別定議。概定為襲有次數。則將來生齒日繁。世爵日少。於旗人生計甚有關係。朕意將

恩詔以後所授之爵內。有陣亡授爵襲次已完者。賞給七品官。世襲罔替。則其子孫得以永永沐恩。與國家昭忠敘功之典相符。而人亦咸知感奮矣。但辦理此事。不可不詳加察覈。即如和通呼爾哈諾爾地方征戰。有實屬陣亡者。有陣亡未甚明晰者。再絕嗣之人。

雖經撫養兄弟之子孫。究非親子。亦不往列入。著軍機大臣八旗大臣將

恩詔後陣亡授爵者。究其根據。詳其姓氏。雖襲次已完。仍應賞給七品官。世襲罔替。其悉心會同定議具奏。凡旗人應知朕格外特恩。靜聽辦理。以仰承恩澤。若有冀倖爭告者。即係負恩。定行從重治罪。將此通行曉諭知之。欽此。遵

旨議定。順治八年

恩詔以後。或出戰陣亡。或受傷身死。或遇難盡節。或充使被害。從前已經授爵。該旗詳考

敕書。並部冊相符。其襲次已完者。各賞一七品官。世襲罔替。襲次未完者。註冊。俟襲次已完。再行賞給。若係一人合襲兩世爵者。內有一襲有次數之爵。俟日後分襲時。數係陣亡之子孫。再行賞給。

○十六年。獲准。順治八年。

恩詔內開。原有襲次者。均准世襲罔替。給予誥命。原無襲次。今

恩詔中。准授騎都尉者。給予

敕書。陣亡者。准襲。病故者。不准。其效力軍前所得雲騎尉。准承襲一次等語。是

詔前原有襲次世爵。皆准世襲罔替。似

詔前無不世襲之爵。但從前有給予

誥命。註明世襲罔替者。亦有給予

敕書註明襲次者。從前總以

誥敕為憑。分別辦理。並非

詔前之爵。概予世襲罔替。今考滿洲蒙古漢軍內。偉績

殊勳。受爵在

恩詔以前者。雖雲騎尉亦無不世襲罔替。而

詔後受爵。按次承襲。不准世襲罔替。統稽襲次已完者。

現在八旗共有三百餘人。此內漢軍十居七八。

漢軍內

定鼎以後來歸順者。又居大半。其如何辦理之處。雖閱  
年久遠。無籍可稽。在當日必有區別。自未便輕  
議更易。謹案乾隆十五年

諭旨。順治八年

詔後所立世爵內。因陣亡賞給之爵。遇襲次已完者。著  
賞給七品官。令其世襲罔替。欽此。今考順治八年  
詔前按次承襲之世爵二百餘人內。陣亡官約有二三十  
人。一併交與原議之王大臣定議具奏。俟  
命下之日。通行八旗。遵照辦理。○又覆准。順治八年

恩詔以前陣亡授爵襲次已完者。各賞一七品官。襲次未完者。俟於襲完後賞給。又外任地方官及綠旗營弁內。有為國捐軀。父子被害。全家受難者。准賞一七品官。世襲罔替。又征戰受傷後。傷發身亡者。其子孫亦給一七品官。准襲一次。○又奏准凡

恩賜陣亡後裔世襲七品官。稱為恩騎尉。○二十四年奉

旨。額魯特等如有陣亡及軍營病故者。減等承襲至八品官時。著施恩照八旗例賞給恩騎尉。世襲罔替。○



二十八年

諭恩騎尉皆因世職襲完朕軫念伊祖父戰陣勤勞加恩特賞襲職之人誠感戴朕恩守分勉力伊病故後其子孫猶可襲官若因貪婪私罪革職者俱停其承襲著為令。○三十一年奉

旨陣亡官員為國致身情殊可憫是以從前朕特降諭旨於襲次完時賞給恩騎尉令伊子孫世襲罔替今閱年終八旗進呈襲官家譜平定伊犁回部陣亡官員所襲世職內有旁註此次承襲後襲次已完等語部旗大臣等以為此經朕降旨以後之事再給恩騎

尉於例不符。但伊等與從前陣亡之人同一為國捐軀。若不得永霑國恩。不惟朕心不安。而且官數缺少。即於滿洲世僕生計無益。著加恩此等陣亡官員一體賞給恩騎尉。世襲罔替。著為令。○三十四年奉

旨。陣亡人員無子。過養為後者。襲次完時。不准給予恩騎尉。○三十八年覆准八旗陣亡世襲官員。襲次已完。應否給予恩騎尉。俱於摺內聲明案由。並於家譜內註明進呈。○三十九年奉

旨。立官人無嗣。以兄弟之子為後。及因傷身故人員。除照例承襲外。均毋庸給予恩騎尉。○四十一年奉

旨。陣亡官員無嗣。係胞兄弟承襲者。襲官之人。縱有子孫。不過照應襲次數。不准賞給恩騎尉。○四十七年諭。嗣後除陣亡者照例仍給世職外。其因傷身故者。毋庸賞給恩騎尉。○又奏准。吉林。烏拉。黑龍江等處。世襲雲騎尉。襲次已完者。家譜內不必旁寫例不。應給恩騎尉字樣。○四十九年奉

旨。綠營陣亡人員。照旗員例。一品者給騎都尉兼一雲騎尉。二品者給騎都尉。三品以下者俱給雲騎尉。襲次已完。仍給恩騎尉世襲罔替。○五十年奉

旨。伊犁。烏魯木齊。巴里坤。古城。吐魯番等處。應襲恩騎

尉人員不必來京引見。止將該員騎射如何。摺內聲明。與家譜一併進呈。如有保升佐領者。照例送京引見。○又奉

旨。八旗承襲雲騎尉。例襲二代。若父子同時陣亡者。承襲三代後。再給恩騎尉。世襲罔替。○五十七年

諭。封疆殉節諸臣。各賞給恩騎尉。世襲罔替。其有現任職官者。准其兼襲。○嘉慶五年奏准。緣事革職人員。留於軍前效力。續經陣亡。原官一二品。應得騎都尉者。降等給予雲騎尉。毋庸再給恩騎尉。三品以下。應得雲騎尉者。降等給予恩騎尉。

承襲譜牒。○雍正十一年覆准。襲爵譜牒。繕造二本。一鈐旗印。送內閣收存。一鈐參領佐領關防圖記。送該旗公署收存。至歲終有應行增入者。纂輯一次。積至十年。仍繕一本。送內閣收存。○乾隆三十三年

諭。凡承襲世職外任官員。列在擬正者。始行咨取。但各有交代盤查等事。來京引見。遲延時日。如不補放。往返徒勞。嗣後外任襲職人員。先呈家譜。再行咨取。○五十年奉

旨。嗣後八旗引見呈進家譜時。譜內黏貼之紅籤。俱著

改黃籤。○嘉慶八年

諭。據正黃旗滿洲都統奏稱一等武毅謀勇公英俊身故無嗣。請將兆惠之弟瑚什圖之孫百善保承嗣一摺。英俊係札蘭泰之子。札蘭泰曾尚和恪和碩公主。今英俊絕嗣。兆惠及公主額駙均不可無承祀之人。且此公爵乃兆惠所立。兆惠勞績懋著。理應世襲罔替。閱該旗所進家譜內載瑚什圖之子瑚圖禮現有四子。著交該旗於年終承襲世職時。瑚圖禮之子百善保等四人全行帶領引見。候朕簡放。即將襲爵之人為札蘭泰繼嗣承祀。

查覈世次。○乾隆五年奏准八旗承襲世爵。除  
順治八年

恩詔並未加官。與

詔後並無軍功之官。及

恩詔後初立軍功之官。無可註銷者。或

恩詔所加之官。與

詔後軍功所得之官。業經送吏部覈定。無可再銷者。或

世襲罔替。或襲有次數。均毋庸送吏部查覈。該

旗照

誥敕奏請承襲。奉

旨後將

誥敕送部註冊如

誥敕內有應行註銷者送吏部覈定再行請襲○二十七年奏准呈進承襲摺譜本身所得雲騎尉出缺時寫明伊子承襲一次若陣亡所得伊子承襲者寫明伊孫再襲皆與初次襲官之人合計共襲兩次餘亦各計次數辦理○三十年

諭八旗世職原係確覈功績定以世次用昭酬庸延賞之典應襲時由該旗查明嫡派子孫令其承襲如本支無人准其由近及遠此實曲加恩恤之意但承襲



之人與立功授職者宗派既疏。本非分所應得。且由  
外有駐防兵丁承襲。其中材質不齊。儻不勝其任。獲  
各斥革。反增苦累。不若概行查辦。量為變通。嗣後如  
宗支尚近。仍照舊例辦理外。其有族派疏遠。駐防外  
省兵丁。停其承襲。○三十七年奏准。八旗承襲官員  
缺出。於奏摺家譜內。俱將此官例應承襲幾次。  
業經襲過幾次。再應承襲幾次。聲明填註。

欽定大清會典事例卷一千一百三十五

八旗都統

教養

官學

世職官學

義學

盛京官學

學

墨爾根城義學

綏遠城義學

雙城堡義學

官學○天聰五年定。凡貝勒大臣子弟。年十五

歲以下。八歲以上者。俱令讀書。○順治元年議

准。八旗每佐領下各取官學生一人。八旗各擇

官房一所。建為學舍。以教習八旗子弟。每旗下

各設學長四人。即以國子監二廳六堂教官為

教習。除每月逢六日。各師長率同各旗肄業子

第赴國子監照例考課外。令祭酒司業等不時稽察。分別勤惰以示勸懲。○二年題准八旗滿洲子弟就學肄業。合兩旗為一學。共定為官學四處。每處用教習十人。除每十日赴國子監考課一次外。每年春秋各於本處演射五日一次。○又定向例八旗每佐領下各取官學生一人。每旗以十人習漢書。餘習清書。嗣後每佐領下各增取一人。每旗以二十人習漢書。餘習清書。○十一年題准八旗每佐領下仍止留官學生各一人。由禮部會同國子監詳加查驗。如學業

無成者。各歸本佐領下當差。其缺另行選擇充補。嗣後三年一次查驗。永為定例。○十三年

諭禮部。文武乃治天下之極要。不可偏向。今見八旗人等專尚讀書。有子弟幾人。俱令讀書。不肯習武。殊違我朝以武功定天下之意。爾部酌量每佐領下應讀滿漢書該幾名。更定具奏。凡部院考用者。俱照額定讀書子弟內選用考試。額外私自讀書者。部院不准選用考試。欽此。遵

旨議定。向例滿洲蒙古官學生。止許選用部院各衙門官。不准外用。嗣後滿洲蒙古官學生。仍照例每

佐領下止留一人。其漢軍官學生。既內外並用。定為每佐領下再添一人為二人。○十四年。因停止八旗考試。蒙古官學生定為合兩佐領下止留一人。漢軍官學生亦照滿洲之例。每佐領下止留一人。○十八年

諭。滿洲漢軍每佐領下各增官學生一名。共送子弟二人。一習清書。一習漢書。止許武官及甲兵子弟開送。文官子弟不准開送。○康熙元年定八旗官學生每月赴國子監講書一次。繙譯一次。五日射箭一次。○又題准八旗官學生除國子監照常考課

外。每年禮部嚴加考試一次。分別等第。送部錄用。如有學業荒廢者。即將該管助教教習參處。  
○九年奉

旨。選取八旗官學生每旗十人。交欽天監分科學習算學。○又題准。嗣後選補八旗官學生。文官子弟。仍照舊例與武官子弟一體揀選充補。○十一年議定。八旗滿洲漢軍每佐領下。各裁官學生一人。留官學生一人。於所留官學生內。分學習清書漢書。其蒙古官學生。仍合兩佐領下共留一人。  
○十二年。

頒賞八旗官學大學衍義一部。○十六年題准。八旗官學生。先儘生員俊秀充補。如本佐領下不得其人。方准選補閒散人。○四十四年。

頒賞八旗官學古文淵鑑一部。○雍正元年議准。增設八旗官學蒙古助教每旗各一人。教習每旗各二人。○二年議准。嗣後國子監助教教習等官。每日須親臨八旗官學。於習清文者。教以書寫本摺字畫。習文章者。講論聖賢經傳。習繕譯者。熟譯古文淵鑑大學衍義等書。祭酒司業不時巡行親查。以勸勤做惰。每月傳至國子監考試。

一次分別優劣。獎賞戒懲。以收實效。○五年議  
准。八旗官學。每旗向止有房十三四間不等。實  
屬狹隘。改於前圓恩寺衙內。撥給鑲黃旗官  
學房四十二間。西直門大街新街口公用庫地  
方。撥給正旗旗官學房三十一間。東四牌樓南  
小街新香衙內。撥給正白旗官學房二十五  
間。朝天宮西廊下。撥給正紅旗官學房三十六  
間。朝陽門南小街方家園衙內。撥給鑲白旗官  
學房三十七間半。宣武門內舊刑部街。撥給鑲  
紅旗官學房三十二間。崇文門內新開路。撥給



正藍旗官學房四十八間。宣武門內乾石橋東口內。撥給鑲藍旗官學房三十一間。均由各旗自行修理。俾諸生肄業其中。○又議准八旗官學。令各該佐領挑選聰明俊秀子弟。申送本旗都統驗看。交與國子監考錄。年幼者令學清文。稍長者令學漢文。又向例入學滿洲漢軍每佐領下選一人。蒙古兩佐領下選一人。嗣後酌定每旗額設學生一百名。內分滿洲六十名。蒙古二十名。漢軍二十名。其滿洲六十名內。又分習清字漢字者各三十名。凡官學生缺出。於本旗

內通行揀選不必拘定按佐領揀選送人之例。其漢字教習每旗定為五人。每一人派給學生若干名。逐日在學專心訓導。並令國子監堂官不曠稽查。怠惰者革退。勤謹者三年無過。照例咨部以知縣候選。如有訓誘精勤不倦者。再留三年。期滿以知縣即用。至官學生內有年長讀書遲鈍者。查明發回本旗充當馬甲。其缺另選年幼者充補。並於每旗養育兵錢糧內。滿洲撥出三十分。蒙古漢軍各撥出十分。分給滿洲蒙古官學生。每名每月銀一兩五錢。漢軍官學生。

每名每月銀一兩。○十年奉准八旗漢軍記名舊家大臣子孫內有無力延師者左翼二十一人右翼十一人每人每月給銀二兩令其各就本旗官學學習清漢書再由兩翼滿洲內各揀選善射者一人間日赴學教以清語並馬步射。○十二年定增添算學教習由八旗官學生內每旗選取三十餘人教習算學。○又

### 頒賞八旗官學

欽定四書文各五部。○乾隆元年議准八旗世爵年二十以下者分撥各本旗官學教習三年由各該

旗大臣考試分別等第帶領引

見錄用。每官學各增漢教習一人。騎射教習一人。

三年停止選八旗官學生學習算法之例。又

奏准八旗官學生入學。三年內專誦經書。三年

後由監臣考驗。擇其材質聰穎有志立學者。分

隸漢教習。令其專心講誦漢書。其年齒已長。願

學繙譯者。分隸滿洲教習。令其專心學習繙譯。

○又奏准八旗官學生講誦漢書者。每三年一

次由國子監堂官錄其可以應考者。奏請

欽派大臣考驗。拔為監生。入太學肄業。○又奏准八

旗世爵。在官學肄業。有雖滿三年而年未及二十歲者。仍留官學讀書。俟及歲乃請

旨考試。○六年奏准八旗官學生讀漢書者。由國子監奏請考試經文一篇。論一道。其文理明順者。即拔為監生。○十七年奏准八旗世爵業經兩翼另行設立世職官學教導。將現在八旗官學肄業之世職子弟各咨回本旗。所有八旗原增設之漢教習一人。一併裁汰。並將教射之教習亦咨回本旗。其各學教射無專員。於蒙古教習每學二人內。分出一人教習騎射。○三十一年

議准。向例八旗官學生每學百名。設滿洲助教  
二人。蒙古助教一人。蒙古教習一人。弓箭教習  
一人。漢教習五人。官學生內習繙譯及清書者  
居多。以滿洲助教二人。教導數十人。多未周徧。  
應裁汰漢教習一人。增設滿洲教習一人。協同  
滿洲助教教習繙譯及清書。如官學生有文理  
不通。經書不熟者。責成漢教習。其繙譯及清書  
平常者。責成滿洲助教。及滿洲教習。又官學生  
按月給予錢糧。免挑別項差使。俾令在學肄業。  
嗣後凡八旗十八歲以下在學肄業官學生。統

以十年為限。讀漢書者不能考取生員。習繙譯及清書者不能考取中書筆帖式。庫使概令咨回本旗當差。○三十三年議准下五旗包衣子弟附入八旗官學讀書。每旗額定官學生八人。滿洲六人。漢軍二人。並准其考試文生員。繙譯生員。監生。中書筆帖式。○三十五年奏准八旗官學生有考取中書筆帖式。庫使等官者。即令出學。其缺另行挑補。○三十七年奏准八旗官學生考取文生員。繙譯生員。如在學已滿十年者。由國子監堂官分別去留。○五十四年國子

監奏八旗官學額設官學生八百五十名。嗣後定於查學時。實驗其年幼多熟。經書及文理。明順者。給予雙分錢糧。遇缺歸併。每學限以十名。任缺毋濫。若一二年內學業不進。仍行甄退。並於教習中擇其學問較優者。將雙分錢糧官學生專令督課。儻教習因循曠職。即行斥退。果能功課勤密。著有成效。於照例報滿之後。准於補官日記錄一次奉

旨。此項官學生額缺。每旗於百名內裁去十名。添作出色學生膏火。以示勸懲。固不為多。但於其中挑取十



名給予雙分錢糧。未免過優。嗣後如遇甄汰時。百名內陸續裁扣十名。挑取多熟經書文理明順者。將此十名錢糧分為二十分給予。既足以昭鼓勵。又可以多育人材。較為兩有裨益。○嘉慶四年議准八旗官學生每逢國子監季考。年十四歲以上者習步射。十八歲以上者習騎射。○七年奏准八旗漢軍外郎不准揀選官學生。凡考試繙譯。漢軍官學生與本旗生監一體考試補用。○道光六年諭。御史續齡奏請嚴禁八旗官學積弊一摺。國家設立官學。月給廩餼。所以造就人材。各教習自宜勤加董

率俾肄業生徒認真講習。以收師儒之益。若如該御史所奏。近年生徒入學。不過輪期。畫到。查學之日。教習擇其在家課讀者。背誦數章。塞責。該教習亦止於畫到。查學時。始行到學。間有在學住宿者。並不教誨。其宗室覺羅及咸安宮景山各官學。亦復如此。積習相沿。日就廢弛。不可不嚴行飭禁。嗣後各學教習及肄業生徒。務須常川入學。盡心訓課。並責成查學大臣及國子監堂官。不時稽查。如有曠誤。指名叅處。毋得有名無實。日久仍成具文。○咸豐六年

諭前據大學士文慶等進呈前任巴里坤領隊大臣三

等侍衛孟保繕譯大學衍義一書。當交鑲黃旗漢軍校刊。並派侍郎穆蔭協同校閱。茲據文慶等奏稱。督同繕書房司員等。詳加校訂。並發交該旗印務章京。會同孟保。刊刻成書。朕覆加披閱。均係欽遵乾隆年間。

欽定繕譯四書五經通鑑。各按新語。詳加釐定。因思宋臣真德秀此書。因大學條目。纂集經史。考證得失。於聖學治道。均有發明。康熙十一年間。我

聖祖仁皇帝特命翰林院掌院學士福達禮等繕譯頒行。顧其時滿洲新語未備。引用經史。皆係舊語。對音

切字。有未經繕譯成文者。又止清文單行。未及增註漢字。今既引用新語。又成滿漢合璧。開卷瞭然。洵足為士子編摩之助。著將刊板。交武英殿刷印頒行。俾在京八旗。及各省駐防。同資講肄。用副朕稽古右文精益求精之至意。○同治二年

諭

御史劉毓楠奏請整頓各學教習等語。據稱滿漢各學。設立教習。統於國子監。現充教習者。傳補後並無生徒肄業。期滿僅尋數人赴監。謂之交功課。其實並無功課可交。即可得官各等語。著國子監堂官查明認真整頓。稽覈功課之勤惰。分別勸懲。毋得有名無

實。敷衍了事。以昭覈實。○光緒八年奏准。嗣後國子  
監挑送學生。應派參領佐領等官。赴監識認。儻  
識認官不到。除將官學生缺扣補外。各行該旗  
都統將不到之識認官懲處。○又奏准。正紅旗  
鑲藍旗兩學。就原基改造。所費不貲。於報子衙  
衙另購民房一所。計四十七間。西斜街另購民  
房一所。計六十六間。稍加修葺。足敷學舍之用。  
○九年奏准。教習一項。月給津貼銀六兩。月費  
銀二兩。令其常年住學。每日兩餐。即由學中備  
辦。其舊例銀米衣裘。一概停止。額外教習。應支

津貼月費銀兩。照實缺教習減半支給。滿蒙教習如本身食有錢糧者。除照舊關支外。本學津貼月費銀兩。亦減半支給。以資養贍。○又奏准。現在八旗官學房間一律修竣。每年黏修糊飾等項。由管學官督同司事經理照料。毋庸再由各旗經理。○又奏准。嗣後挑選學生。不拘官階品級。先儘家計貧寒子弟秀良者挑選。如肄業學生。住非本旗界址。而與別旗學舍較近者。仍照例准其就近附學。以示體恤。其各學學生。並令每日在學早飯。晨入暮歸。免致荒嬉。至所選

學生中。如有家資較裕。力能延師者。准其赴學報名。不必在學肄業。每月仍由教習面試二次。其月課季課。亦與在學諸生一同考校。但滿蒙漢統計不得逾二十名。免致多占寒素額缺。○又奏准。嗣後各旗幼丁。送監挑選後。除由國子監備冊送學外。仍責成該佐領出具。並無頂冒甘結。飭領催同該幼丁父兄帶領來學。查有情弊。將佐領奏參。領催咨革。○又奏准。重修官學八所。鑲黃旗在安定門大街圓恩寺衞衞。正黃旗在西直門內西四牌樓北祖家街。正白旗在

朝陽門內南小街新鮮衙衙。正紅旗在阜城門

內報子衙衙。舊在巡捕廳衙鑲白旗在東單牌樓觀

音寺衙衙象鼻坑。鑲紅旗在宣武門內頭髮衙

衙。正藍旗在東四牌樓南新開路。鑲藍旗在西

單牌樓乾石橋西斜街。舊在東斜街○又奏准除額

設助教教習挑取官學生。仍由國子監照例辦

理外。於滿漢科甲人員中。每學各派一員為管

學官專司其事。並於滿漢進士出身一二品大

員中

簡派二員為管學大臣。總理一切。○十一年。奏定官



學章程。一。八旗幼丁。情願入學讀書。或因該旗  
抑勒不送者。准其自行報明。六旗官學。由該幼  
丁父兄。或族長帶領到學。管學官考驗。如果資  
質聰俊。由管學大臣咨明本旗及國子監。俟有  
額缺。再行文本旗取具圖片。傳該幼丁赴監。與  
本旗保送之幼丁。一概挑選送學。一。官學生應  
考中書筆帖式繕本庫使恩監生等項。由該旗  
咨明本學。先由管學大臣面試所學。可以應考。  
方准保送。至取中之學生。仍留肄業。俟傳補時  
出學。考中恩監生。例應赴監。如願在學肄業。亦

准具呈留學。惟不准兼考同文館。學生如有私自兼考者。查出一律開除。一。學生年屆十五以上。實係資性魯鈍。不能讀及所限字數者。令將四書讀訖。咨回本旗。除滿洲蒙古照舊挑補披甲。漢軍照舊挑補鄂爾布外。仍准其先行坐補養育兵。以資養贍。所出官學生缺。於十三歲以下之養育兵內。擇其聰俊者。與應行挑補官學生之幼丁。一併送監挑補。一。額外教習。傳補到學之日。即作為實缺。所有報滿日期。及津貼月費。均照實缺辦理。以歸畫一。其應加津貼月費。

銀兩。即在常年經費內支給。毋庸另籌。一教習報滿。由國子監比照咨查吏部教習以何項用之例。咨問管學大臣。由管學大臣按其平日課程酌定等第。咨送國子監。由監臣覆覈。出具考語。帶領引

見。以昭覈實。而符舊制。一作文學生。以經學為重。其有已經入學。或考中恩貢者。亦須實在學有根柢。在館受業已逾一年。該教習報滿時。方准作為成效。滿館學生。有考中中書筆帖式者。亦照此例辦理。至讀書學生。責成管學官量其資質。

限定每日授生書若干行。非因要事及實病。不  
准曠課。考課之法。十三歲以下。背誦。識字。點書。  
三項為要。能三兩項者為上。一項者次之。一項  
不能者為下。十四歲以上。能背誦。識字。點書。講  
書。四項為要。能三四項者為上。兩項者次之。一  
項者為下。如有能講書通徹者。無論年歲。雖兩  
項亦為上等。教習報滿。上等學生及半。而無下  
等。或下等居十之一二。而上等過半者。出具上  
等考語。下等學生及半。而無上等者。出具下等  
考語。餘俱出具有中等考語。上等考語用八字。中

等七字。下等四字。著為定式。其有教習訓誨甚勤。誘掖有法。而學生資質太鈍。不能受益者。准該教習隨時報明管學官詳查功課。酌量去留。如該教習將屆期滿在一年之內。不准請革學生。管學官亦不得率行撥館。以杜徇私取巧之弊。至平日課程。由管學官督率各教習。以背誦點講四項認真訓誨。儻教習中有屢曠館職。不以學生功課為重者。由管學官隨時報明管學大臣。將該教習咨回另補。儻管學官不得力。由管學大臣隨時奏請更換。一吏部定章。教習三

年期滿舉人恩拔副歲優五貢出身以知縣教職二項請

旨錄用。廩增附出身以教諭訓導二項請

旨錄用。如以知縣用。俟二年後方准呈請分發各省試用。如以教職用。分別出身銓選。並准分發各省效用。現查知縣候選到班無期。分發必扣二年。每多資斧不繼。分發後專歸試用。輪補亦難到班。教職雖准分發。而輪選尤為遲滯。現在八旗官學。極力整頓。嚴其課程。自宜優予獎勵。謹就吏部定章。酌量變通。擬將八旗教習以知縣

用者。毋庸扣足二年。隨時呈請分發試用。以教職用者。例定正額。仍照舊銓選。並准其分別出身。遇各項雙月積至十缺之後。即行插選一人。不積各項班次之缺。至錄用後。查有為本學不可多得之員。由管學大臣知照禮部。毋庸開缺。再留三年。俟二次期滿。如始終盡心。顯著成效。其初次以知縣用者。比照同文館教習。以知縣分省歸候補班補用。如不願分發補用者。准其歸於教習。知縣本班儘先選用。不積捐保儘先班次之缺。初次以教職用者。准俟選缺後。以知

縣仍歸教習本班先在任選用。廩增附出身以教諭用者。准俟選缺後以教授歸於各項雙月積至五缺之後插選一人。以訓導用者。准俟選缺後以教諭歸於各項雙月積至十缺之後插選一人。均不積各班次之缺。由管學大臣奏明辦理。毋庸再行引

見。至各教習有於上年二月新章開課以前傳補到學。查其報滿日期。在新章開課後尚不足二年者。應令補足二年。方准報滿。照此次定章加獎。如不補足二年。仍照舊章辦理。以示區別。並停



止報捐期滿。庶無名實不符之弊。各學額設滿教習。僅止一員。現今認真督課清文。其勞績實不減於漢館。若不加優獎。未免向隅。惟滿教習出身及所兼之職。各有不同。獎勵難歸畫一。應請

飭下吏部分別升階。酌加優敘。以示鼓勵。如有文理疏淺者。咨回本旗。另行延聘通曉滿文。不拘已仕未仕。入學教習。俟滿教習得人。再行接任。其延聘之員。毋庸議及獎敘。

世職官學。○乾隆十七年議准。八旗年未及歲

之世爵食半俸者。原有移送官學讀書之例。而就學者甚少。或因過於溺愛。不習技藝。或恃身已為官。任意作為。或現食俸祿。為匪人誘惑。成丁後長進者少。現在年未及歲之世爵。共一百七十人。於八旗兩翼各設官學二所。

簡命一二品大臣。專管教訓。凡八旗世爵內十歲以上者。均送官學教習清語騎射。三年期滿。管學大臣請

旨。派王公大臣考試清語騎射。分別等第。列為一等者引

見或分部行走。或授為侍衛。二等者在該旗印房學習行走。優者對品補用。三等仍留學教導。照常支給半俸。三年再行考試。儻仍無造就之機。即行革除。將世爵於應襲人員內另行揀選承襲。其學舍左翼於鑲黃旗漢軍鑲白旗蒙古米局。右翼於鑲藍旗蒙古鑲紅旗滿洲米局官房內撥給。鑲黃正白二旗合為一學。鑲白正藍二旗合為一學。正黃正紅二旗合為一學。鑲紅鑲藍二旗合為一學。每翼委參領二人。輪流管理約束。每學委領催二名。馬甲八名。看守房屋聽差。

管學大臣仍不時赴學稽查。其教習清語之人。照選漢軍教習之例。於本旗滿洲散秩官筆帖式及因公誥誤廢員降級調用人員內選補。每翼四人。現任職官每月支銀二兩。無祿人支銀二兩。米一斛。折銀支給。每學並設教習騎射二人。亦於滿洲旗護軍校前鋒護軍內每翼挑選四人。照國子監助教例。每月支公費銀一兩五錢。每學月給公費銀四兩。以為購買冰塊薪炭之用。均於該旗房租銀內動支。用過銀數。歲終奏銷。再教習清語及騎射。每旗止有一人。該旗

都統務擇人品端方可以為師者。送學教習。三年期滿議敘。不善教授者。即行駁回。更換官則送部察議。兵則責革。○二十七年議准。兩翼世職官學。每翼添設滿洲參領一員。章京二員。輪班在學稽查課程。○三十三年

諭。嗣後八旗應襲世職之官學生。著五年考試一次。○四十年奏准。世職官學教習。每屆五年考試一次。官學生內有一等三名者。將該教習照例議敘。若不及三名。不准議敘。○咸豐七年

諭。內務府承襲世職幼官。向不入官學肄業。及歲時復

不分優劣。概准支食全俸。殊不足以廣造就而示勸懲。此後內務府世職幼官。著照八旗定例。歸入兩翼幼官學肄業。以昭畫一。

義學。康熙三十年奉

旨。八旗各佐領下幼童。由各佐領內擇其優長之人。令教習讀書及馬步箭。著九卿議奏。欽此。遵

旨。議定。八旗幼童年十歲以上者。由各佐領於本佐領下揀選優長者一人。作為教習。其滿洲漢軍旗分幼童。教習清書清語。蒙古旗分幼童。兼教習蒙古書。與蒙古語。皆教習馬步箭。仍令各該佐

領及驍騎校等。不時稽查約束。名為義學。○雍正二年

恩詔。養育人材。首以學校為要。八旗生童內。或有家貧不能延師讀書者。宜各設立學堂教育。欽此。遵

旨議定。八旗左右兩翼設立義學。左翼撥給安定門大街官房十九間。觀音寺衙門官房二十間。右翼撥給武定侯衙門官房二十四間半。兵部窪官房二十間。各設義學二所。每學滿漢教習二人。漢教習二人。旗下生童內有家貧不能延師者。如願兼讀滿漢書。即入滿漢教習學堂肄業。如

願讀漢書。即入漢教習學堂肄業。其滿漢教習由八旗舉人及恩拔副歲貢生內考選充補。漢教習由漢舉人及恩拔副歲貢生內考選充補。其學堂由禮部堂官稽查。並派司員二人專管。肄業生童內如有不專心誦讀不聽教誨者。即行懲責。不許復入學堂。教習內如有不盡心教導。或行止不端者。指名叅革。○六年議准。增設八旗左右翼義學。左翼以安定門大街官房為鑲黃旗義學。觀音寺衚衕官房為鑲白旗義學。再撥給豆腐巷官房二十一間半為正白旗義



學。新香衛衙官房二十四間為正藍旗義學。右翼以武定侯衛衙官房為正紅旗義學。兵部窪官房為鑲紅旗義學。再撥給石虎衛衙官房二十二間半為正黃旗義學。榆錢衛衙官房二十一間為鑲藍旗義學。凡八旗子弟年二十以下十歲以上情願讀書者。俱令入學。不必拘定額數。若讀書無成。仍照常挑取兵丁。或有所居去本旗較遠。願就相近別旗義學肄業者。聽各學教習三年考滿。及學堂一切需用物件。均歸禮部辦理。其揀選肄業子弟與督察勤惰。每旗各

派參領一員輪管。如禮部辦理學堂事務有廢弛之處。及教習訓誨不勤。由該旗查叅。如該旗或有廢弛。亦令禮部叅處。○七年定八旗滿洲蒙古漢軍內。有年未及歲未上朝之佐領世職人員。亦俱令入各本旗義學肄業。其不在本旗地方居住之員。令該都統將伊之佐領並職名。出具印結移咨伊現任之旗分。即著就近入該旗義學肄業。○又議准八旗漢軍都統辦理事務。多用清書。漢軍子弟學習清書。甚屬緊要。令各在本旗就近地方。設立清文義學一所。於每

佐領下揀選一二人入學專習清書。其教習即由本旗滿洲都統會同本旗漢軍都統於滿洲間散官並筆帖式或因公註誤革職降調人員內擇其精通清書堪膺訓導之任者二人充補。又於漢軍本旗內擇善射者一二人教習弓箭。令漢軍本旗參領一員不時稽察督課。如有文理精通情願考試繙譯者准咨送吏部考取筆帖式其文理粗通射箭亦可者即在本旗挑補領催馬甲。如有志上進情願仍在義學肄業者聽該旗不得勒令充當兵丁。儻教習等視為具

文不盡心教導。本旗大臣查出。即行題參議處。如果勤加教誨。三年內子弟能熟習清書。按人數多寡。由本旗大臣將教習人員分別等第。交部議敘。○又定八旗滿洲蒙古亦照八旗漢軍例。設立清文義學。滿洲每參領下。蒙古合兩參領下。各給官房五間。以為學舍。其並無官房旗分。由附近旗分官房內撥給。每旗除大臣官員子弟入官學義學讀漢書。及各在家學習人員外。各佐領下十二歲以上幼丁。均准入學學習清書清語。其蒙古子弟兼令學習蒙古書與蒙

古語。其教習卽於本參領下前鋒護軍領催馬甲內擇其人老成通曉清書清語及蒙古書蒙古語者二人充補。每參領下並委章京或驍騎校一人教以騎射。本旗都統參領等仍不時稽察。每年考試一次。教習內有善於訓導者。係官紀錄。係兵丁註冊。遇有應升之處列名。若教習懈惰者。係官題參議處。係兵丁鞭七十革退。○乾隆四年定八旗義學。每學每月各給銀三兩。以為茶水煤炭之需。○五年議准。禮部派委員稽察八旗義學。以生徒之優劣。定教習之勤。

情。於期滿日照例出具考語帶領引

見情者即行退出。○又定八旗義學肄業子弟除由禮部派委司員每月稽察外仍每季到部考試繙譯經義並背書寫字一次皆詳註等第冊籍歲終分別優劣以定去留。○八年奏准八旗義學繙譯教習例由該旗將舉貢生員咨送務擇其年逾三旬行無匪僻者送部考試其教導清語之教習亦照此例送考。○十一年奏准八旗義學教習內原有錢糧之人停給教習公費米石其未有錢糧者仍一體支給。○二十二年

諭。國家設立學校。原以教育人才。乃自設立義學以來。不過僅有設學之名。而無教育人才之實。且設有咸安宮國子監官學。復加恩於左右兩翼各設教訓世職官學。則八旗有志讀書者。儘可於此等官學內肄業。似此有名無實之義學。適足為貽誤旗人之地。所有義學著即行裁去。欽此。遵。

旨。裁八旗義學。其各旗下所設之滿洲蒙古漢軍清文義學。仍照舊設立。

盛京官學。○康熙三十年題准。

盛京八旗左右翼各設滿洲官學二所。挑選八旗

俊秀幼童每旗十人。兩翼共八十人。以四十人入滿洲官學。學習清書。四十人入漢官學。學習漢書。設助教二員。教習二人。皆教演馬步射。由盛京禮部侍郎稽查操演官學生。遇有

盛京各部衙門筆帖式庫使等缺出。照例補用。○  
又議准。

盛京八旗官學。除額設官學生八十名外。其餘八旗十歲以下幼童。每佐領各選一人。附入官學讀書。並教習馬步射。令各該佐領驍騎校等官稽查。○乾隆二十八年議准。



盛京八旗左右翼官學。左翼四旗內滿洲官學生三十六人。漢軍四人。包衣三十人。右翼四旗內滿洲官學生三十四人。蒙古二人。漢軍四人。包衣三十人。左翼無蒙古官學生缺。嗣後將左翼滿洲官學生內裁去二缺。改補蒙古官學生二人。○光緒十年奏准。奉天八旗滿漢官學房間一律修葺完固。歲給諸生膏火銀六百兩。教習公費銀八十兩。○又奏准。奉天設立蒙文官學。每歲津貼銀一百四十兩。由該將軍籌給。

盛京義學。○雍正十年議准。

盛京八旗漢軍設立清文義學四所。每兩旗合設一學。挑選漢軍子弟。每旗十五人。八旗共一百二十人。每學三十人。設清文教習各一人。專司訓課。由

盛京將軍稽察。並揀選能騎射之人。教習馬步箭。○光緒十年奏准。各該旗設立清文義學。每月膏火獎賞津貼等項經費。由前任將軍崇綺捐廉銀一千二百兩內籌給。

熱河蒙古官學。○道光八年

奏請添設蒙古官學一摺。熱河都統衙門常有

各札薩克蒙古字來文及各旗蒙古控案。據該署都  
統查明該衙門僅有喀喇沁土默特數旗粗知繕清  
之章京等輪流住班。所譯情詞難免舛誤。著照所請。  
熱河駐防八旗。准其添設蒙古官學。其教習即以馬  
甲西凌阿充補。並准將前鋒德克精額幫同教讀。現  
已考有閒散旗丁二十名。著即作為蒙古學生定額。  
一年後學生內有能繕寫者。儘先挑補馬甲。其教習  
等即以委署驍騎校等缺。儘先拔補。如遇蒙古來文  
暨控告呈詞。已挑馬甲之學生有能譯清文者。著即  
作為額外貼寫筆帖式。以示鼓勵。所有薪水等項。著

照滿洲官學於印房生息項下一體支給該署都統既為造就人才起見添設官學務當認真辦理隨時考覈期有成效不得日久視為具文以致有名無實。墨爾根城義學○康熙三十四年題准墨爾根城設立義學二所於新滿洲錫伯索倫達呼爾及進貂皮達呼爾等每佐領下選取俊秀幼童各一人入學讀書每學設助教一人。

綏遠城義學○雍正元年議准歸化城土默特兩旗共設立學堂一所教導兵丁子弟學習繙譯○乾隆八年奏准綏遠城八旗左右翼各設

立義學一所。每翼於兵丁子弟內選取十人入學讀書。以通曉蒙古言語繙譯者二人為教習。○十一年覆准。綏遠城八旗義學。各增設清文教習一人。○三十七年。裁綏遠城八旗兩翼繙譯學。改設滿洲學五所。以教導八旗養育兵及閒散幼丁。每學揀選四人為教習。○五十年議准。綏遠城原設八旗滿洲學五所。裁汰四所。仍留一所。於將軍衙門內撥出官房十五間。挑選八旗子弟俊秀者。分為五學。教習清語騎射。雙城堡義學。○道光四年。

諭富俊奏遵旨籌議雙城堡建蓋義學一摺。吉林雙城堡移紮京旗閒散。年限未久。幼丁無多。據富俊查明。請於中左右三屯公所。各建義學三間。足資課讀。著照所議。除中屯義學。前經動項辦理。毋庸另建外。其左右二屯義學。各三間。准其於雙城堡封堆內邊。沿閒地官租項下。撥給錢四百串。飭令妥為修蓋。並每年撥給三屯東脩膏火等項錢各二百串。於甲兵屯丁閒散內。擇其通曉清漢文者。作為教習。責成該協佐領等。隨時稽查。認真董率。務收實效。不可日久廢弛。

